

先

天

集

先天集序

甘泉子曰言語之道其誠之不可掩
乎誦其詩讀其書而知其人者善
言也誦其詩讀其書而不知其人
者非善言也誦其詩讀其書知
其人也者出乎其心本乎其性
情發乎其言言出而成文焉是

以由詩書而知其人亦若是而已
矣斯不亦善言矣乎若夫誦其詩
讀其書不知其人也者言不由乎
中不出乎心不本乎性情而擬效
乎他人如優人之抵掌為離合悲
歡之態粧飾乎雲烟月露之形如
巧鳥之聲又烏足以知其人之面

目若何哉是故善言者如老人出
老人之聲聞其聲可知其為老人
矣不善言者如小兒效老人之聲
聞其聲人莫知其為老人矣故曰
言語之道誠之不可揜也余得南
宋山屋許先生之詩文曰先天集
者于其裔孫亮而觀之嘆曰嘻其

所謂善言者乎其由中心出者乎其
發於性情者乎可以知其人矣故誦
其詩讀其書其人逝矣遠矣于其
沛然者可以見其自得焉于其慨
然者可已見其節義焉于其憫
狀者可以見其忠愛焉于其言屢
而見擯而復言國之危亡斬衰閉

門至死不變者可以見其大節不可
奪之志焉然則先生之為人盡在
目中矣先生名月卿字太空蓋嘗
受心學于魏鶴山先生而有所自得
故其言至今凜凜猶若奮生氣恍
乎若有所見先生之聲歎儀形然
亮也懇余序諸首簡梓而傳之其

上孝思善繼者歟

嘉靖十三年十一月十九日

賜進士出身資政大夫南京禮部尚書

前國子祭酒翰林侍讀兼修國史

經筵講官增城湛若水書

先天集目錄

詩四言卷一

月代

古詩五言

次韻春谷

箕山

送碧梧入府

贈胡菊軒并序

古詩七言

除月二十三日夜夢

次韻陳肇芳芋贈李相

次韻謝居直贈李相

京城看水

故人

次韻胡溫升玉甫西野

次韻

長短句

題明皇貴妃上馬圖

涉世

山近

新安

律詩五言卷二

木犀

曉幄

雲邊

明月

甥館五首

吊程貢元

代仍六弟 吊程貢元

挽番陽戴如會貢士母

三首

金氏

次韻汪敬子

挽汪士洪

同滕推游朱緋堂首 挽外舅二首

有感 住黨障

夢中作 閒賦

野人 次韻鄭將仕

霜日 得安道中

挽胡制機康侯 寄郭衢州因

重寄郭衢州 寄留夢炎

重寄留夢炎 夜永

客來 咸淳

送張平湖山遊 次胡伯凱韻

題

項橫父臨清亭時
方生孫

捧硯姬空翠二首

獻歲

梅叟

挽妹婿汪汧四首

燈火

月色

帝學

次韻

蜀人李施州芾
端午

送撫倅林評事歸班

天貺

飯了

大行皇帝挽詞五首

贈快霖

神靜

寄陳宰

次韻李制幹贈行

山川

律詩七言 卷三

天道

木犀

次韻

晉三姪招予及
同年飲

次韻雲岩

南堂

使華

允杰

姪以詩來卒章和予生孫次韻一百首今
存四

用韻簡如晦

用韻自述

八角

歸塗

次韻程愿二首

寄顧次岳五首

鹿鳴用趙資相韻

入邑問炊中雲招王希
聖起龍三首

遇黃先生

和趙資相

追賦暮游

次韻葉司戶

次韻

黃玉如大章携先集來訪二首

再和題黃免耕吟藁

代仍六弟吊程貢元

寄題岩經樓

次韻仲成叔賀雙橋

滿城風雨近重陽

挽座主吳倅

登慈恩絕頂有感

挽陳節使

挽李左藏

挽清湘令董介軒夢程先生

挽馬樞密母段氏

次韻朱塘三

與陳宰開先

迎謁劉朔齋提舉行部

律詩七言卷四

贈黃藻二章

贈程惠子

辭賈徽州二首

三月

題趙尉洞源泉

贈墨士程雲翁

春日閑賦

題汪端翁廟

寄題張宗玉牕下

山房

賦新花竹

贈王竹窓

中秋謝施發源爰

和子思弟韻壽母

次韻黃玉如求記

川原

次允杰五首

六月雨十一首

臨川家史君坤翁喜雨

浴罷

次績溪趙簿孟英見韻

次胡伯凱韻

贈李企

寄東宮宮

題俞時琰杏山堂醫

曆日

香潭八首

律詩七言卷五

仲春初五日報謁

多謝

早起

厭厭

項似遺眉子硯

憶胡同年

賦廷玉菊存堂

賦吳廷圭篔簹西亭

題德新堂

起來

露

臨川

送孫山長謁皮叅政

代弟二首

挽張丞詠

送周徽州赴建州

次周尚書八首

排律五言

暮春聯句九首

詩雜體

途中賡禁體雪韻

十二辰

題清足堂

次韻曉行

用名世弟韻

悶來

次韻程說和

絕句五言

卷六

贈朱野拙

絕句七言

千年

黃菊

次韻胡同年女

人間

次韻馬樞密二首

入邑道中三首

有感二首

賀滕推入郤奉祀

途問五

車中

白雪

槐影

吟蛩

朗湖道中因見二事信
筆二首

贈碧鑑相士蒲田林
行可

贈談命韓東野

春日

與鄭婺源

賀楊司戶庭玉

新安道中

魚山

望中

首夏

用勾吳初隣

題婺源齋序

次勾胡梅龍

月庵

贈寫梅僧處能

答雲甫程文

贈竹溪

贈張相士

贈梅隱術士張尉

雪後

送高安辛聖祥謁後林

送徐君何

簫鼓

雲護

月明

咸淳五年天下都散漢許月卿飲無算醉後吟

詩秉筆遠旦

此行

樂天

風起

觀吳廷玉五雲歌書其後而歸之

旅黎岳

次勻周學禮

訪渭陽

題劉後村所跋楊朴移居畧

呈翁司理名方于權

跋東坡墨跡

二芝蘭

即事

九江

寄張立道

休休

茶蘼

默齋壁間竹鶴

星學

記卷七

天多許記

友仁先生壙記

題跋

書楚辭後

跋許氏世譜後

書卷八

上程丞相元鳳書

答吳丞相潛書

與鄧宰書

雜著

志樂平朱氏榮綠堂

經義卷九

聖王制御常道如何

啓

與曹徽州

賀朱尚書

賀蔡公杭

賀厲制直

賀余子新娶

碑

婺源朱塘晦翁祠碑

奏疏卷十

進大行皇帝挽詞

疏畧

劾余玠子如孫疏畧

贊

唐越國公追封英烈汪王像贊

行狀

李太安人行狀

銘

校尉雲屋許公墓銘
戴氏母墓銘

附錄上

臨汝書院講義
宋履齋吳公帖

宋矩堂董公帖
紫源汪公帖

東澗湯先生書
湏溪劉先生書二

秋崖方先生書

送許允杰序

附錄下

宋運幹山屋先生行狀

事錄

公牒三道

事實

郡志

邑志

鄉賢錄

文獻志

南畿志

請建山屋書院文移

先天集卷一

星源山屋許月卿著

裔孫熙亮校正
熙類編

詩四言

月代

月代太陽太陽代月君逸臣勞職分無越穆穆皇皇
明明在烈光于四方罔不秉哲火明水清坎離斯設
日月有明容光靡闕無非教也教亦不屑金取其清
分明之精東有啟明西有長庚金清月白助天日明
日明相續萬物咸覩匪今斯今不瞽萬古

古詩五言

次韻春谷

谷如三月間屋向萬山安春谷與山屋別有天地寬
枯淡風月皎富貴鶯花遠大山表牡丹此意殊未曉

箕山

箕山惟一瓢襄邑亦四辟古今一許氏傳家以清白
茶山與東萊三詩映圭璧後來二三賢題品互紬繹
南軒推學授晦翁要事實亦有小東萊經濟亦何切
極意深源流敷殖久大業臨川有二許我來秋蕭瑟
撫卷三嘆起寒花香的皜

送碧梧入府

人勸公入相我勸公早歸今以副樞入好以元樞回
易爲六經宗學易貴知時時止則時行時義大矣哉
故嘗論今日兩語見稱竒但且爲執政宰相未可爲
若爲伴食相何如酒一盃曾以語裕翁裕翁爲一啗
英雄見畧同明公試思之文正爲清獻何曾美鼎梅
史冊香萬古日月名長在時止時則行宰相湏時來
時來然後相當傳忠定衣官職難名節願公玉無疵
壯節題初節願公玉無灰耐久老柱石身佩國安危
五福一曰壽壽國身之樞請君看老子寡慾身壽眉
心清萬里明可杜倖時窺寡慾善養心軒鑑照魁魑

歲晚成二老種蠡相墳簞坐令四太平太宗生光輝
贈胡菊軒拜序

表兄菊軒居士胡公子銘戴母古君子之曾
孫鄉善人彬州推官汪公之外孫酷似其舅
不酒不肉雞鳴而起孳孳而誦佛書將以超
度十五位我廟之靈余曰范文正公守番禺
忌前一日命芝山僧誦金剛經夜夢云得古
佛經半卷已超度矣明日入山有僧過曰古
塔主扣之果如夢中語戲云何必看畢曰好
物不雖多予曰

好物不雖多自悟方悟他心迷法華轉心悟轉法華
願得無言經盡度恒河沙盡度一切已依然無一物
籟鳴天河斜清風共明月

古詩七言

除月二十三日夜夢

仙君重瞳袞衣明紅雲一朵當殿楹千官拜舞環佩
鳴中有一人攝齊升琅琅敷誦百辟驚首云有臣許
月卿合在帝所式群英煌煌名節來帝廷膚使奕奕
華弓旌我時荷邊食芡菱坐茅心渙儼不聽從天飛
下蒼蒼珩申傳帝命通叮嚀親授秘訣餐長生提耳

言言帝旨令夢回題詩香枕屏

次韻陳肇芳竿贈李相士

相心然後相人形試相何時可太平集思廣益真宰
相開誠布公肝膽傾先相君子與小人小人枉了君
子羸見吾善者笑局局眼明黃山峯六六何哉逆整
干天誅衰漢生靈已魚肉安得重見無極翁光風霽
月黃山谷

次韻謝君直贈李相士

一年景讓秋光竒山水秋來皆有姿君於何處相人
物誰爲盜跖誰伯夷伯夷海濱待時清秋空無雲正

清時相人不若相時好相時而動談笑麾笑殺馮道
五季時興亡不喜而不悲相師試相馮道相視國傳
舍如奕棋

京城看水

幾千萬里碧琉璃中有一圓光照之更無一物可與
對部勒星宿光陸離憶昔看月大江頭天地中間風
吹衣凡客無緣相賓主獨携杯酒獨吟詩祇今千門
萬戶閉良夜京華無人知似我快活更有誰故山今
宵月更奇明日懶人真箇歸

故人

故人歸作山中相老我聊乘雪夜舟細君頗訝不入
市山中訪友將何求扉屨資糧奪之去毀車截鐙挽
予留一笑謂汝賢細君無求我乃肯出游宰相良解
軒輕予定難屈膝低我頭同雲一色天欲雪夜深雲
散月明樓

次韻胡溫升玉甫西野

偶爲西湖萬山出三省興中歌四勿中庸公子惠新
詩句裏韜筋猶柳骨文章感慨湏和平能泣鬼神風
雨驚和聲似鳴國家盛送東野序序文鳴西野文鳴
東野法積中和順英華發我詩不作郊島寒曾誅莓

苔隨意踏誰道楊花本無才
天展湖山圖畫開何須
更問逋之覓夜深明月半窓梅

次韻

臨川老儒王半山文章未肯班
傳間亦有臨淄晏元
獻樂府一奏開天顏我來此州嗟
何晚前哲風流挽
不還泉石黯淡山氣瘦芙蓉飄零
秋意闌有客携詩
來過我議論磊落文波瀾詩盟豈
止尋宗派理學猶
規拜將壇風雷凜凜三寸舌招
棹賢拂佐天慳古來
言行要相副願言大德不踰閑
秋月皎皎鶴蹲蹲春
風洩洩禽關關江岷山兮溪
蟠塚天根躡兮月窟攀

長短句

題明皇貴妃上馬圖

開元天寶號太平快活三郎偏縱情帝閑天驥雲雷
駃回首絕怜妃子醉海棠酣春睡未足扶上馬時顏
山玉二璫兩邊扶蹻鞚群姬爭扶不用命萬花叢玉
山花花朝王醉牡丹共立馬前黃幡綽獻笑顏容似
嘲謔三郎勒馬頻回頭兩手按膝雙凝眸夾立兩旁
御弓箭帶御器械如行殿二璫相語儼相向貴妃未
至龍顏望龍顏不怡吾曹憂昵昵私語雙燕秋御前
兩驥立仗俟御龍整暇聊緩轡卷中何止數十人十

人眼只在一身朕能墜馬替妃子不忍花飛驚
三郎但念妃子醉豈知身醉誤國事儻知敬是常惺
惺提主人翁教醉醒醜醜婦斟薄薄酒醜婦添翁多
少壽無益爲后能彊齊夙夜警戒鷄鳴詩花鈿安得
紛委地馬嵬安得有墜時

涉世

涉世如溪谷只宜在淺處一生如一日未暮早歸去
君不見偉哉男子韓淮陰往往正坐涉世深功成身
退豈不好當時何事歸不早人生少年須立事生我
不應負天地了却君王事便休去時莫待雨淋頭如

今版圖半烟霧眼看流離無限子取將舊物還君王
襁褓赤子寢之床青天白日正亭午歸去彈琴鶴對
舞靜與賢傳不
春風吹袂浴沂天

山近

山近綠映日山遠青帶烟平生有山癖夢亦山水邊
山好水益媚山老水連天我家非洛中亦非獨樂園
只在山屋上下亦有流泉俯仰頗樂之妙處無昔賢
今日來別墅水滿山四環嗚呼何處無山水有酒且
飲明月在前山

新安

新安別無奇只有千萬山千山萬山中其奇乃出焉
下者爲硯石與世生雲烟高者無繫累飄然出神仙
忽生朱晦庵追千萬世前示千萬世後如日月當天
嗚呼新安生若人不知再生若人是何年

先天集卷一

先天集卷二

律詩五言

木犀

詩到黃初上高標不肯唐

先師鶴山魏文靖公常謂唐人小木犀詩分封

在香國筮仕得黃裳錦畫纍金印
瑤英案玉皇黃香天下士誰得並清芳

曉幄

曉幄明初日晨鐘遞北風
人生行樂著天道好還同
我友詩三昧吾衰酒一中
萬間君雅志突兀倚晴空

雲邊

雲邊人種麥天際我歸舟
月色輕寒夜笛聲何處樓
久晴人渴雨倦仕我思休
高士傳閑看東籬花正幽

明月

明月天雙鑑清湖地萬弓
人行楊柳外身在畫圖中
天濶雙眸快樓高萬象融
故山應更好楊柳映芙蓉

主學言湖樓甚佳只欠芙蓉

甥館五首

月色真圖畫風聲古瑟琴
月風天地職風月聖賢心
竹砌水如璧梧岡朋盍簪
不須聯句得天籟竹梧吟
冬至思吾姪樊川示阿宜
驅羊官易取觀象易難知

不遠復三字大音聲一詩屏山宗邵子晦木不忘歸
醉鄉真廣大靜夜絕鷺塵月色明如畫天涯總是春
鳥飛林不夜蝶夢路無人天地中間我孤高誰與鄰
國士今爲鬼有棺空斷腸綠衣長至節丹旒短松岡
父乃哭其子天乎殲此良傷情臯某復挽些謾巫陽
國士報國士後人哀後人萬物邪勝正一理屈終伸
秦暴二世滅周仁八百春紫雲樓上語億載宋深仁
吊程貢元

灑淚陳情表何心貢澤宮波平看躍鯉浪急不成龍
花誥榮孀母藍袍付畫工無人儔孝友烟樹慘新封

代仍六弟吊程貢元 三首

仁者竟不壽，世事空悠悠。霜滿人洪墓，月寒尊美樓。
慈烏千載恨，薦鶚一生休。畫史成何事，青山炯照眸。
器訟漸成俗，如君今豈多。仲尼仁者靜，下惠聖之和。
夜月數聲笛，春風一再歌。紛紛當泚頽，視此石嵯峨。
松下草不殖，豪家多不仁。惟君淡於水，與物靜爲春。
多爲流涕者，應無切齒人。墓前有梧櫨，那復見荆榛。
挽番陽戴如曾貢士母金氏

霜氣凜，閨妹嚴風老。更癯詩書謂，有子門戶可無夫。
鷓鴣橫秋鶚，孤鸞啼夜烏。長松有風雨，枯草但平蕪。

次韻汪敬子

好善芝蘭馨惡惡鮑魚腥一心宰天地萬世流風霆
六經如元氣異端如氛埃會往洙泗濱傳取心印回
挽汪士洪

昔日杜小姪中年馬少游不知身外事祇覺鬢邊秋
有子三株柳同公荒草邱梅溪一夜雪片片逐寒流
同滕推游朱緋堂二首

當日朱緋夢荒烟化鶴城斜陽邊草色深樹裏禽聲
欲兩跬微濕出雲山半青神游應故里只欠愛翁亭
此翁有山癖曾此夢魂驚慷慨思逾淡郊行酒易醒

石苔和夢濕歸棹載詩輕回首暮雲碧兩賢沙磧行

挽外舅二首

人間三十二名字幾千春慷慨漢游俠孝慈周吉人
視物猶視己顧親寧顧身山中當出相嗣子世其仁
月卿方髻時公欲東床之我姑已黃土公鬢正青絲
忽忽成今古茫茫問孰誰但能抱茂子灑淚讀新碑

有感

一飲地黃酒寃哉入九泉雲孤無墓地雪霽有蒼天
今歲難張詠他年高董宣視吾匣中劍光射斗牛邊

住黛障

黛障地眉展綠波天盡開鴛鴦長不散翡翠去還來
壇杏頽垣裏隴梅荒草堆山川渾似舊不管曲聲哀

夢中作

我來烟水遠漁艇夜鳴榔萬仞巫山聳一宵秋夢長
金翹何婀娜玉佩遽叮噹月冷天鷄曉空餘枕屏香

閒賦

老大天諳練殷勤月往還岩巒有竒操泉石亦清淡
隔浦飛秋葉開牕看夕山天心端正月潭水夜深參

野人

野人方夔屈天子正龍飛東閣翹林驥北山
移

鵬來賈生去熊兆太公歸地主殷勤別雲霄萬里期
次韻鄭將士

何曾離日用千古到如今菊蕊霜全節梅花月印心
韓公薪竹詠蘇子楚山音鄭號楚山人谷口微吾子風流
何處尋

霜日

霜日步行遲雲山履曆長蘆花相遜揖松樹自宮商
竹動鳴珂里桃成衣錦鄉水邊籬落好一夜玉爲堂
得安道中

洲渚但明月人烟如曉星春泥纔故里秋水又浮萍

衣破披簑冷，厨空煮草腥。
抱兒含笑語，衣裏麥青青。
挽胡制機康侯

鷺點青松白，鶯穿綠柳黃。
兒時工對偶，老去更文章。
誅意平生學，爰咨去路忙。
酒邊招隱操，我更憶山堂。

寄郭衢州

渤海潢池盜，龔卿奉詔憂。
東軒繼芳躅，西府踵清流。
同榜黃扉匹，中峯皂蓋儔。
中齋同一嘆，山屋好中秋。

重寄郭衢州

細數東京士，無如許郭優。
山林異朝市，姓字欠書郵。
久已巢由隱，難成李郭舟。
三衢春有脚，山屋好中秋。

寄留夢炎

山屋好中秋中齋炯在眸中流誰砥柱野水却孤舟
上意甘盤甚來遲季子留願毋淹獨樂留相九重休
重寄留夢炎

安得肉生羽從公出外游同年多契闊新句孰賡酬
天玉梅花雪人寒野水舟中齋難醉白山屋好中秋
夜永

夜永月清甚雨餘風快哉月將槐影出風遣桂香來
風至地自掃月來雲亦開三千翰林手光霽瑩靈臺
客來

客來商畧詩夜市正驚時雲破天青眼烟收月白眉
芙蓉天富貴松竹月清竒我醉欲眠去携琴明日遲

咸淳

咸淳風樂好淳厚似咸平人意逢春樂天心遇杜晴
征僮催遠信舞袖促新聲今歲梅能耐咸平詩可盟

送張平湖山遊

殷勤來訪別去作子長游雪霽月清甚天寒鴈過不
沙堤今相府花苑古蘇州歸踏梅花好還來問白鷗

次胡伯凱韻

日日常三絕時時酒一杯西銘爐上雪太極地中雷

屏破青山出池成綠水來飯餘三兩步一樹木犀開
題項橫父臨清亭時方生孫

青梅如豆子更可緩臨清倚杖閑花落憑欄芳草生
逢人須說項生子又添丁千葉桃難實山茶耐久盟
捧硯姬空翠二首

捧硯姬空翠隨琴鶴曉烟夕陽更山外流水自樓前
芳草垂楊地和風麗日天戲游看處處明媚自年年
看山車放慢遇水馬爭先須信一年景無如三月天
露花如此好烟柳十分員客醉不須去竹床相對眠
獻歲

獻歲歡聲沸清晨寒氣侵四時春是首三日雨為霖
綠展垂楊眼青呈芳草心日晴仍夜雨擊壤費謳吟

梅叟

梅叟真佳客冰壺賢主人移樽隨月飲顧典到更深
蠟炬精神耐梅花氣象新明朝山屋去隱者詎能尋

挽妹婿汪汧四首

奉禮徒員外京師枉治中二郎槐不做四老橘成空
三鳳璧岩子雙龍寶劍雄萬人真莫贖愁絕老坡翁
郎罷當年語深閨婉婉三有齊之季女必得有奇男
滿目呱呱泣傷心切切禪離鸞驚別鵠何日淚痕乾

一疾那知死三朝竟不醒遺羹真慘愴分肉尚精明
玉樹衣難綵壁岩穉枉青英魂千古在稚子讀書聲
亡恙壁岩日媒云婦有依世科居六世時事彼一時
寂寞吾州隔諸孤我妹慈九京逢桂老東坦愧羲之

燈火

燈火掩柴門踈燕烟水昏鷄啼孤月曉犬吠隔山村
桃葉翻新曲梅花返舊魂淒其何處笛一笑卧空樽

月色

明月亦清哉清風絕點埃村童催睡去野叟問禪來
樂事賞心夜清風明月梅夜深羣籟靜猿鶴莫相猜

帝學

帝學須君入天游，輸我豪君方註老子。我自讀離騷，湖上春風好。山中夜月高山高，君寄內湖海。我陶陶，次韻蜀人李施州芾端午。

幾日愁無雨，夢回聞雨聲。恰逢端午至，不覺和詩成。慘淡疑天淚，滂沱吊屈生。邦人云：此日陰感助陰兵。

臨川人謂端午
日雨鬼旺人灾

對時思故國，客裏厭南音。同谷淒涼惡，三閭感慨心。賜衣聊杜句，要艾孰騷吟。莫說成都景，岷峨秋滿襟。送撫倅林評事歸班。

分月年将滿朝天早戒嚴芝函新紫詔棘寺舊青氈
梅雨商岩識槐花宰路占應留待漏院揮翰屬名賢

天貺

天貺逢佳節地靈鐘異人今朝書上考同日是生辰
部使星留次臨川月半輪明年當此日五馬列朝紳
飯了

飯了庵中坐高情等寂喧井泉春戶口篆火午香烟
句好堪呈佛心空不問禪一聲天外鴈秋意滿徽絃
大行皇帝挽詞五首

創始昌陵漢中興高廟堯登遐皆十月揚烈擅三朝

再造煌煌業叅侖浩浩霄中興兼創始二帝侑逍遙
享國昭陵似龍飛四十春哀榮皆甲子創守又庚申
刑措成康治風移堯舜仁瑤編再仁祖萬葉道如新
紫陽儒者侶恨不與同時指示四書要躬親百世師
欽崇道統業懷保諾寬慈王殿淒涼處瑤題尚啟敷
從諫如堯禹聞言若舜文五臣躋 三誥斥 君

聖度天同廣忠謀日有聞甲辰親策處戇論玉顏欣
此日營陵處當年毓聖鄉幅員哀踴踴羽衛道煌煌
有慧憂天墜重輪麗日光謳歌吾君子千載聖情傷
七月而葬始有挽詞制也聞哀則賦臣子至

痛之情也百世報宗廟千秋永裕陵此詩似
泛只此二句諸廟諸陵皆可用

贈快霖

有客闖東籬星翁身姓支快霖爲道號直術不支籬
試與談災福斷然無詭隨小溪天下士持此往叅之

神靜

神靜何須卜心閒即是仙芋煨牛糞火瓢滴馬鬃泉
綠染春風柳紅勻曉露蓮明朝晴景好一棹盡平川

寄陳宰

上國春多雨西江蓮自香恐人疑少室惟我薄淮陽

南北東西命君臣父子常到官理詞訟月色更風光

次韻李制幹贈行

科舉有衣鉢臨行問細君梅花入征夢楊葉礪功勳
儼對丹墀日捷排閭闔雲政頌及邊事毋惜齒牙論

山川

山川長不老人意欲如何霜後葦葭健秋來洲渚多
河汾周舊典洙泗魯餘波悽愴從陳蔡令人涕滂沱

先天集卷二

先天集卷三

律詩七言

天道

天道等高父道同地親如母祀先農社翁不肯飲殘
水野老猶能存古風簫鼓村田聊擊壤雞豚社酒好
治聲滿庭芳曲還堪唱一笑東坡鬢已翁

木犀

桂犀明辨不雷同長憶先師品藻公風到如開香積
國月明疑在廣寒宮含香結佩風宜月累印懷香月
稱風酒裏典刑辛猶在先師醞藉孔林叢

次韻晉三姪招予及同年飲

戀闕重陽不入都，菊英雖好不干渠。
樽前丞相方行酒，花外堯夫恰小車。
錫末封胡延客醉，雷陳張范預期酤。
他年三徑羊裘隱，君子應能范蠡圖。

次韻雲岩

權輿於我屋渠渠，久敬如君世莫如。
明月清風詩滿案，好天良夜酒連車。
樽前遠韻輕盈菊，醉後分題爛熳書。
凡此坐中人十九，鉤樞玉帶客金魚。

南堂

南堂有客種秋旻，面面軒牕納曉雲。
雲入書檠無俗

氣月來吟几有清芬豈無綠竹詩淇澳亦有蒼苔書
篆文閣上桂枝宜努力難兄難弟總由人

使華

使華館伴日宣勞風雨連床夜作逃愛惜太癡如拱
壁棄遺勝讀若秋毫雙清幽沼芳泉活一碧長空皓
月高坐看睡魔三舍碎金爐獸炭古離騷

允杰姪以詩來卒章和予生孫次韻一百首今
存四

陳陳史傳勘玄幽一笑誰能問慎由往往東南旗運
盛亭亭西北蓋雲浮瓊樓玉宇無身翼弱水蓬萊有

艾舟聖主攘夷脩政事可能吊伐至枋頭

玉川破屋抱遺經生子添丁意命名門暗碧雲憂國
志牕明紅日愛君情柳綠學徒勤左塾花紅主婦饌
前榮他年誰註徵君傳好把吟篇着眼評

山已幽幽墅更幽幽居別墅儘居由數間屋想今岑
寂萬斛船忻正拍浮採藥幽居冷閉戶圍碁別墅夢
歸舟明朝菊徑歸來處二阮黃花插滿頭

孫枝選喜道韋經老手摩頭咳唾名豚犬吾兒夷

姪虎龍孫祖退之情洗兒湯餅吾方拙教子鹽梅汝
更榮許氏一門忠孝盛夔臯熊虎 延評

用韻簡如晦

龍溪毓秀自平陽千載詩葩分外香錦里篤生天下
士玉堂曾看甲科郎龍溪季子代無乏鶚薦明年定
破荒桂樹黃堂秋色裏何妨演習鹿鳴章

用韻自述

菊花開處即重陽月桂中秋夜夜香紫綬象環如魯
叟綸巾羽扇亦周郎不憂鴻鴈稻梁少但恐鶴猿松
菊荒宰相山中書幾考清風明月老平章

八角

八角亭中天似水七言城裏夜未央主人解榻賢材

館門客避堂上下床籟寂寂時星歷歷泉涓涓處山
蒼蒼主人門客皆觴詠羽扇綸巾獨篆香

歸塗

望外雲頭日高掛竹間亭子雪猶存
脚蘆鴈起瀟湘暮賣炭人行烟火村
綺疎月照牕如畫寶鼎香銷帳似雲
欲轉水壺渾未暇
党家習氣彼羶葷

次韻程愿二首

我家張許同生歲果者堯時值聖明
丙子與君無貴者甲辰惟我亦同庚
閑雲萬嶺林泉興明月一溪丘壑情
同歲同心有如此相期歲晚李歌行

二李歌行醉裏歌君溪兩棹我烟簑鳳凰臺上我山
墅虹馬軒高君月坡曉徑酸間追李杜夜牕灰裏撥
陰何長哦歲晚成二老詩社往來君肯麼

寄顧次岳五首

柳塘醉我無邊酒得壠癡生望蜀心亦有白衣雙白
玉不孤黃菊萬黃金寶婺古來金綉水銀蟾後夜玉
青岑韋齋井畔通宵月應照空樽印渴襟

韋齋井畔通宵月流出文公闕里心半夜起來湖瑩
玉明朝應有柳搖金萬壑正看天地肅一樓坐斷水
雲岑鏡湖樓扁知無恙二十年前醉解襟

鏡湖扁字無今古無古無今只此心雲入枕邊堂署
玉月窮天外日鎔金樓臺髣髴水墨畫烟霧空濛岩
壑岑湏信尚書最難讀人間無許大胸襟

運千可際休明運心一堪傳賢聖心不一此心非自
玉半千之運或如金道源天出三清境遠目明雙寸
碧岑胸次湏令天樣濶五湖為帶三江襟

半夜開窓凭闌坐無心雲起鏡湖心鋪茵煙草漫天
幄璞玉樓臺渾色金訪古寂寥秋漠漠懷人感慨碧
岑岑未知何日韋齋井明月清風煩暑襟

鹿鳴用趙資相韻

宗主人才郭子儀門多將相蔚相輝托根小草秋榆
宦食葉長廊春棘闈報國自怜心事壯憂時不覺夢
魂飛平生此志非溫飽勲業從公問指歸

八邑問炊中雲招王希聖起龍三首

希聖平生詩酒豪居然閉戶學孤高不知昨夜秋風
柳得似當時春日桃別去半年猶旦暮胸中百痒欠
爬搔虎溪破戒君須解已辦清詩與濁醪

移文招子氣添豪畢竟牢關計未高留得商霖活秋
稼未應禹浪怨春桃半牕明月詩誰和一劍空燈手
自搔來此共君思昨夢秋風江上幾投醪

簞瓢不改乃真豪之子胸中志自高本自無官彭澤
柳不知何世武陵桃牕前草色勤鑽仰堂上萱叢敬
抑搔好向中庸看未發養成和氣盎春醪

遇黃先生

策馬沙頭值此翁恐成鴻燕畜相逢歸鞭亟指遠峯
碧握手頻看笑臉紅淡月一簾清坐處高風千載慨
歌中淵源自昔崇師友吳下應怜舊阿蒙

和趙資相

手托東南半壁天向天捧詔下搜賢塵沙騎鶴征鴻
倦衢道乘鸞病驥先王陞九重將玉立珠簾十里看

珠聯狀元宰相平生事雅意中原願執鞭

追賦暮游

余庚子冬絜絜離廣陵將肄奉常試業于

京師舟泊無錫日已暮與王希聖微服游南
禪蓋訪古也參寥題名壁無恙寺記有碑碑
陰結字甚偉視之蔡京也出門煙樹蒼然數
僧遇語而已余與希聖却立四顧曰此佳景
也當寫之為詩而舉子業亂其中不能就暇
日追想宛在其目為詩以寄希聖其明年冬
十一月也歲月驅人又可一慨

錫山舟泊似荒村微服南禪古跡存壁上姓名今已
遠碑陰人物了能言薄游少少山侵袖遠思悠悠風
滿軒携手出門烟樹密數僧離立語黃昏

次韻葉司戶

舟自搖搖釣瀨濱睦州司戶得詩人

吉州司戶官雖
小曾得詩人杜

審言對床夜雨如蘇子滿座春風似伯淳文武畧窺瑤
殿射發衢爭耀錦鄉春金華葉相垂青史青出於藍
局局新

次韻黃玉如大章携先集來訪二首

夜宿槎溪碧草幽草牕招隱勸巢由朝來忽得新詩

好客裏俄驚喜氣浮秋老空山唳清鶴天寒野水卧
孤舟細吟天下黃香句曉霧輕烟古渡頭
橋梓風流滿腹經桂花香裏識魁名翻成宵夢古今
事何況人間父子情先集一編詩素富家傳萬卷子
金榮挂名叙跋流芳遠曉起吟牕仔細評

再和題黃免耕吟藁

免耕遺藁九京幽宿諾吾方負仲由宿諾斜陽悲宿
草沉思一旦落沉浮池生春草虛堂夢楓落吳江何
處舟有子九京如不死一輪明月墓山頭

優游一辟難贊經仲舒師友盡時名已登鄉國一經

薦未究天人三策情文定浚源雖瑩徹牧堂奕葉必
敷榮紫陽風水深留意磨石佳城後世評紫陽明地
理免耕亦

代仍六弟吊程貢元

少從諸父與君游到眼銘章淚莫收水闊騎鯨霜葉
落波寒躍鯉雪蘋秋當時折桂浮雲夢今日叢萱暮
靄愁惆悵人洪暗煙月淡凝碑字濕松楸

寄題岩經樓

樓中圖史澹爐墨中有成都較藝文手澤存焉生舊
感心傳妙處長新聞世科事業無如子經學源流可

致君祇恐校讎天祿閣猿啼樓外滿溪雲

次韻仲成叔賀雙桂橋

展墓歸來春水浮橋頭望月正如鈎橋成未用問誰
住意遠應同逐水流天外鴈鳧何足許人間鹿豕可
全游須知

莫說存耕知有秋

滿城風雨近重陽

滿城風雨近重陽一舸烟波入醉鄉心事已同鷗鳥
白眼界空有雲山蒼酒安能管興亡事菊亦頗復時
世粧何似長歌明月裏月明天濶地更長

挽座主吳倅

菊翁去後菊園荒壽不如花儘自香進學解成誰具
錦題輿字濕已黃梁衆流出壑三秋暮明月照松干
仞岡冷落僧爐數間屋但留名節付賢郎

登慈恩絕頂有感

爲學平生不究源未妨絕頂上慈恩塔高俯視群山
小江濶能容巨浪喧人每中登難脚力誰於高處領
天根須信平生爲基址基址牢時德業尊

挽陳節使

凜凜如公一寸丹荒城夜月徹清寒向時尚已死諸
葛今日難貪老阿瞞素志平生兆馬革黎民一郡博

彈冠隻雞斗酒群群識吾力猶能減賀蘭

挽李左藏

少年謂子氣橫秋壯已邊城汗漫游筮仕弗如歸亦
好讀書未了死方休半生隨意琴三疊千古詩情土
一邱月落錫林烟露冷松風無籟自颼颼

挽清湘令董介軒

夢程先生

偏得人間謗與名蓋棺方定伯夷清五經笥滿風雲
壯百尺樓高星斗橫明月照庭香不斷狂飈吹雪意
如生河汾回首成今古禮樂猶將致太平

挽馬樞密母段氏

松岡新植瀧豐碑千古哀榮誰似之
訓子斷機霜雪冷退朝猶續月星垂
綠衣西府梅花落素幄北堂萱草萎
何惜沙堤明日路潘輿無復再來時

次韻朱塘三首

淳祐二年春王正月丁巳許月卿過滕滕子
曰子嘗游朱塘乎曰未也曰淳熙之三年朱
文公歸故鄉游朱塘山深水靜荷華其間慨
然曰是吾喜游所也此誰之土於是先大夫
拱而進曰先業也先塚在此文公曰是宜爲
亭以領山水子取幅紙吾爲若書以告同志

者共成之先大夫雅謹畏時又少四顧無楮
筆則已異時爲鈇鈞言以爲恨常試與子游
乎遂如朱塘歸相與爲詩秋八月亭成郡丞
秘書郎書其扁曰晦庵亭滕子以三詩來有
昔之者冬十月詩成月卿用韻亦賦之

杏壇黃葉滿霜林何幸朱塘兀古枌試上月臺因問
月知涵雲谷幾多雲夢游當日成何事嗜學于今喜
舊聞我意昨游春水滿重來秋意見涯垠

游子從來悲故鄉歸來襟袖芷蘭芳夢魂飛去雲濤
遠杖策閑行秋水光可是夢中曾到此安知身後却

餘香紫陽弟子有賢子卜築新亭真肯堂
謾著新亭俯碧漪高低草樹任差池
湏知亭扁湏時彥不是谿齋不勇爲
水靜山深悉天趣風光月霽足
吾師未妨賦誦銘顏樂正學於戲無已時

與陳宰開先

到處逢人說大蘇一門兄弟古今無
吹埴林五黠山馬鼓瑟陳雙婺
水鳧定分有殊自鵬鷗閑情無限儘
龍猪歸來坐倚蓬牕下少挹春風過里閭

迎謁劉朔齋提舉行部

百城奔走候車塵庾節光華婺水濱
人望朔齋春有

脚家傳元祐水無心天低日近霜華曉地僻臘殘梅
蕊春願得劉家再忠肅前為伊鼎後商霖

先天集卷三

先天集卷四

律詩七言

贈黃藻二章

叅軍一夢到詞場，難弟想應瞻聖皇。此去捷音來鼎
鼎，向來諸老去堂堂。馬頭雪絮天街玉，人跡板橋葑
店霜。君去世科傳伯氏，釣舟留我住嚴光。

星邑唐詩韻一天，叅軍生死別經年。君來佳句賓朋
誦，我願世科昆弟傳。別語明晨繞朝策，秋風來歲祖
生鞭。難兄難弟誇京邑，莫負當年夢惠連。

贈程惠子

我朝詩道愧唐人魏晉風流更勿論莊子于今逢惠
子孔門自昔契程門君宜鶯出雲霄路我亦猿吟烟
水村趣取山人來離谷梅花湖上返詩魂

辭賈徽州二首

束書歸去饗梅花底事霏英故故斜約住忙中千里
鶴羨渠如意兩歸鴉家中見雪念爲客客裏觀梅不
似家園樹暫時梅闕白明朝休向我儂誇

岫雲休恠此行徐出處家風本俗如當任宣尼無俟
駕肯辭孟子範馳驅如金歲月人奔競似玉行藏我
卷舒極目冥鴻揮綠綺忘情魚鳥盡江湖

三月

三月春如少年時了知造化最兒嬉
智行無事柳飛絮道法自然花滿枝
錦綉園林天富貴神仙院落月清奇
老天長似春三月游嬉人間不皺眉

題趙尉洞源泉

歸去來詞書印曆高風千載汝南評
松間風影有地籟林下炎天無水聲
行客詩魂同石瘦主人心事共泉清
明朝遮日長安去君亦曹裝趣上京

贈墨士程雲翁

滿地干戈正擾攘君家猶自搗龍香
輕清披就烟雲

質堅勁磨來金玉相倚馬喜資揮露布飛鳶端藉發
天章山屋莫道渾無用留寫樵歌入錦囊

春日閑賦

數行竹樹鳴春雨一簇人家帶曉烟省事山丹自籬
落親人海燕並庭簷樓高思遠天無極酒罷歌闌月
正圓新茗一甌香一篆與君清坐看風簾

題汪端翁廟

双杉為人所伐

端公碑石蔓蘿捫嘆息雙杉拔本根將畧傳家自忠
顯侍兒象首亦平原乘風飛去乾坤窄踏月歸來烟
水昏往事不堪重回首青燈黃卷照芳樽

寄題張宗玉牕下廬山

廬山移到龍溪東兩壁生雲無數峯
夢與文淵三峽水共叅金露九秋風
萬山恍對凝塵榻五老全携入室筇
更問濂溪風共月又移牕下到腦中

賦新花竹

花紅竹綠兩相當綠竹紅花在道傍
竹引花風心浪動花含竹露面芬芳
須知竹恋花蝴蝶喜見花貪竹
鳳凰彼此莫嫌花共竹他年花老竹蒼蒼

贈王竹窓

若欲相尋向竹邊開牕著屐更誰先
定有一輪穿密

密可無數點洗涓涓茂林從昔於儂好太極遙怜似
我圓釣竿莫惜分新綠更割半窓瀟灑天

中秋謝施婺源爰

高情古意滿溪梅靜拍欄干儘兩眸月不露圭天有
道風能谷水無愁從吾所好萬青壑捨我其誰雙
白鷗別樣主人情重處不將紅妓浣中秋

和子思弟韻壽母

劣相誰知此老天瑤池專遣雪當筵開花敬上夫人
壽列樹無非西子妍松學妙齡施粉點鶴迷歸路認
蓮船水晶世界瓊梅閣肯道人間不是仙

次韻黃玉如求記

先子北山書劍留山川，還自舊相繆與君。去歲銜盃
處，遣我長歌陟岵游。瘦鷓風輕霜檜舞，歸鴉烟重晚
林投。中齋孟氏仙官府，同號同庚成佛不。時孟之晉
與玉如同
號同庚

川原

川原紅紫一時新，暮雨朝雲更可人。燦若中興紅藥
相，嫣然何慮海棠嗔。天將好景煩吟筆，我自清時作
幸民。書冊埋頭無了日，不如拋却去尋春。

次允杰五首

魏公間氣孰能儔
纖若登梯量自優
父母床無烹子
办相公腹有濟川舟
江山之外雲端鶴
天地中間海上鷗
學進識明涵受闊
連天達水月明樓

斯人非與更誰儔
咸以無心感最優
上下天光萬頃
碧乾坤中處一虛舟
相從相語何妨鶴
繞有機心不下鷗
平地人間無限闊
元龍何必卧危樓

相鶴先經古罕儔
一詩渠括爾才優
雲天杳杳仙騏
駿蓬海茫茫我楫舟
赴隴光榮空似鳳
乘軒浩蕩不如鷗
淵材多事添煩惱
一夜胎仙頻倚樓

老鶴吾慚鶯谷儔
楊州草檄類俳優
千年橘井雒城

字萬斛桃花鶴料舟爲文待漏書丹鳳如此有盟寒
白鷗歌吹竹西驚昨夢眼中騎鶴有高樓

辦香曾侍鶴山儔蜀有鶴林殊匪優蛇作嬰兒生我
室化爲道士掠予舟相同龜壽 鵬鷗自混雞群狎
鷺鷥仙子已騎黃鶴去此地空餘黃鶴樓

六月雨十一首

麟筆大書六月雨蟬聲靜掃一天秋天河倒挽甲兵
洗地寶咸歸秔稻疇雨餘欹枕軒牕月天際歸帆蘋
蓼洲一飽了知天賜履漉巾洗盞辦新筍

岫雲已喜能成雨不卜先知今有秋作楫作霖三說

命時暘時雨九箕疇數行竹樹清風夜萬頃烟波明
月洲二客從予遊赤壁歸謀正值酒堪筩

先集流傳妙詩句芑芑禾黍舞涼秋九秋寶麗從天
落一雨賦興矧若疇月更風流寫松竹雨餘涼意滿
汀洲客來且貰鄰垆酒家釀明朝儘可筩

雨餘目極乾坤月雪外天連擺極秋舜殿風薰殊未
玉堯天雨施自君疇層波渝我蒹葭渚列宿咄人杜
若洲珍重菊莊來顧我床頭爲子出春筩

都忘甲子不知老三十六峯無限秋江水清兮鱗百
丈廬山高處稻盈疇堯時丙子壽星數坡句許家仙

島洲自分吾生老耕釣花瓢趁取日先筭

五更殊覺洗空憂一兩端能接引秋陋室了知饒鶴
料高田無復拆龜疇蒲葵扇老堪藏篋楊柳梢存不
見洲混混濁流聊濯足玉泉金井酒宜筭

雙星今夜話綢繆頗語人間一夜秋萬事悠悠何預
我四方感感屬之疇萬家勞置傷心地四水宗朝極
目洲坐看白雲棲斷處支郎酒老臘前筭

行晴坐雨荷天休天地中間獨享秋淡日涼風滿衣
屨甘霖薄暮悅田疇晴天歷歷供峯嶼烟雨濛濛護
島洲感感四方瞻靡騁愁心如醉嬾新筭

彭城夜雨悲翁季手植堂前雙桂秋竹馬吾何計東
閣巾車何自樂田疇棗華頗失椿萱樹鴈影平沉橘
柚洲更憶北山移植處釣魚竿底玉醪筍

一月春風洛水幽凜然惟有壑專秋十室九空鴻鴈
渚千村萬落杞荆疇烏鳥有情瞻岵岵黃龍無底羽
淵洲思昔朝廷天廣大何時醢賜伴醪筍

今歲無時不禦寇每年此際去防秋琴散廣陵今叔
夜笳聲出室古劉疇啓沃欣承霖雨楫流離安樂鴈
鴻洲我自清時幸民着茅柴薄晚婦能筍

臨川家史君坤翁喜雨

臨川鼓舞誦賢侯
閔兩皇皇祈有秋
昨夜琅函奏霄
漢今朝玉粒兩
平疇名亭應有東坡記
積粟可寬西
顧憂我得順流南浦去
商霖又是濟川舟

浴罷

浴罷披襟竹影斜
客中殘暑散空花
人行牕外雲無
脚月起林間
燈映紗舉酒聞鐘知
近寺談詩食李却
忘家明朝又浴
還來此何必開樽只煮茶

次績溪趙簿孟英見投韻

碧澗仙人亦愛樓
星溪樓上豁雙眸
吟邊興落千峯
外醉裏眉攢萬國愁
傳舍官途輕似燕
禪心世事狎

於鷗詩人將半南唐帝碧澗雲烟六月秋

次胡伯凱韻

作詩直欲到天慳於蔦應如元魯山我隱自便甘曲
渚子來相與釣清灣閑中日月詩書府地上神仙人
世間尋柳問花千古意牕前幽草不須芟

贈李企

鴈湖曾是謫臨川誰道風流愧昔賢共覺共堯亂堯
世何須虞芮質周田三年遷客僅數舍一日恩書落
九天歸去來荒松菊徑勉旃忠節振家傳

寄東宮官

瀛洲有詔翊儲宮妙選歡傳有古風鶴禁共看周八
士狐裘記取國三公年華春早雞聲裏博望秋嚴霜
氣中入侍緝熙傳聖學四書雋永事何窮

題俞時琰杏山堂醫

妖冶來奔夜色昏殺然絕谷有神明春融庭畔一簾
柳秋滿湖邊萬頃雲蕩滌胃腸無穢濁洞明空色有
真清陳樓相問胡盧處本事方書世並行

曆日

曆日從頭又一新直饒燕雀喜新晴梅花獻歲無邊
景喜鵲今朝第一聲柳眼知時王幕綠草心報國漢

朝青日晴夜雨豐年兆雨過雲開月滿庭

香潭八首

平生不作明河篇一笑童心尚隱然後日視今哀後
日同年而語不同年瑩清川澤玻璃地濃淡烟雲水
墨天低向癡人前說夢何妨句裏有婵娟

瓊林宴坐賜詩篇先帝恩光故燁然紫陌尋春思是
日紅牋通刺戒同年浮花浪蕩陽和地踈影暗香霜
雪天松栢歲寒吾共子春風永巷閑連娟

殷勤教我琵琶篇年友胷中炯炯然公瑾風流酬江
月孔明禮樂中興年君臣可謂逢千載南北須教總

一天水調歌中休惜別月明千里共婵娟

我歌亂以歸來篇君笑騎驢孟浩然君有風雲須得
地我無曆日不知年君貪觴咏盟泉石我願朝廷泰
地天君去登畿春浩浩我歸受幣女娟娟

信筆篇篇又一篇東坡父子故依然鳳凰鳴處知何
日龍虎榜中今幾年殘歲守寒難避地顛風急雪更
無天六宮粉黛無顏色誰道人間少靜娟

斗酒從來詩百篇世間荏語便譁然蕙蘭得志應無
日穉穉逢時却有年何必怨尤難捨我欲教平治直
須天生來不被娥眉誤人謗人間無麗娟

老師當日啓靈篇親手傳承豈偶然殘月曉風空夜
夜垂楊芳草自年年報恩男子那無地未喪斯文決
有天月在香潭照心曲更饒一雨洗娟娟
政須洗耳聽新篇業已扁舟學計然潔已庶幾堪諫
主力田未必愧逢年菑畲之業平心地金石之交只
在天舞殿歌臺從冷暖此心如月一嬋娟

先天集卷四